



كلمة الأب هادي محفوظ، رئيس جامعة الروح القدس – الكسليك

عيد الاستقلال

٢١ تشرين الثاني ٢٠١١

الآباء الأحبة، أعضاء مجلس الجامعة وكلّ العيلة الجامعيّة،
اليوم فرحة كبيرة إنّو مرّة جديدة عم نرجع نلتقى حول عيد الإستقلال بمالقاعة الحلوة، إلنا عادة نلتقى بدفا أكثر
برّا، السنه بسبب البرد جينا لهون.

أنا الفكرة الأساسية يلي كنت حابب أتوقّف عندا بس مارغريت بكلمتا الحلوي خلّتي زيد فكرة تانية،
أول فكرة بدّي إستوحي من الاحتفال يلي حدث هون من فترة لمغارة جعيتا وزيد عليها حدث منتخب لبنان
بككرة القدم تركّز عفكرة أوقات بتغيب عن بالنا وهيّ نحبّ لبنان، أكيد بدكن تقولو شو عم بيقول، محبّة لبنان
أساسية وكلّنا منفرّك فيا لكن نشعر بالإنتماء لها لاوطن أكثر وإتو هيدا وطننا، هيدا لي عاطانا مكان الحياة، عطانا
الهوا يلي منتنفس في، مثل ما قال البطيريك الحويك برسالتو لمحبة الوطن ذكر هالشي إنّو مكان هالوطن هو المكان
يلي مناخذ منّو الهوا يلي منتنفسو من هيك مهمّ نحمل هالمحبة تجاهو. أنا بدّي قول خلّينا نفعل فينا شعور
الإنتماء للبنان، ما نجرب نقول شو حلو هالبلد هيدا أو هيداك أو بمفاهيمو أو جغرافيتو أو مجتمعو، نقول أول
شي لبنان حلو ولبنان رائع، مع كلّ مشاكلو بدّنا نحاول نقدمو لقدام لائو ما في بلد بمالعالم بيخلا من المشاكل
نخلق جوّ أحلى بمجتمع أحلى بلبنان.

الفكرة الثانية يلي حكيت عنّا مرغريت، حابب إتوقّف عندا هي فكرة الإنسان، كلّ واحد منّا مسؤول، ما حدا
يحطّ اللوم على حدا ثاني أو عا مسؤول أعلى منّو، وإذا كلّ واحد راجع حالو بيعرف إنّو مطرح منّو أوقات كثير
ما عميعمل الشي يلي لازم يعملو. من هيك نحنا مدعوّين ليوم نمي فينا الإنسان، كلّ واحد منّا يقول: انا مطرح
مّي، أنا كطالب، أنا كأستاذ، أنا كمسؤول إداري بقلب الجامعة، كموظّف، كعامل، كرئيس للجامعة، أنا
مسؤول، وين مسؤوليتي بتنمية مجتمعي، وطني لبنان.

نشا الله اليوم بكون فرصة لآلنا تنطلق من جديد بوطننا ، نحبو أكثر، نشعر بمسؤوليتنا أكثر. بحب بشكل
خصوصي اليوم بهيك لقاء أشكر الأب بطرس عيد ، مدير مكتب شؤون الطلاب، عكل التنظيم يلي بيعملو
عالأرض، مع الأستاذ خليل عبود يلي ما صار إلي بعد بإجتماع علني بقلب الجامعة هنيه إنو انثحب سفير للنوايا
الحسنة بالمؤسسة الإيرلندية للسلام. مبروك لخليل.
شكرًا لإلكن كلكن، ربنا يكون معنا عاطول بتقدُّمنا بهاالجامعة.